

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Qualis separatio sit remedium mali coniugij?

urn:nbn:de:hbz:466:1-45686

sollicitatione ad apostasiam, vel ad aliud graue peccatum.
Quoniam autem solutio coniugij, aut saltē separatio tori & cohabitationis, subinde, ad regimen animarum non modō vi-
lis, verū etiam necessaria est, dedit Christus etiam Pontifici &
Ecclesiæ amplissimam potestatem soluendi, quidquid esset solu-
bile, & cuius solutio ad ordinariam animarum gubernationem
prodesset.

Matth. 16.
Sanch. I. 2. d.
14. n. 2. Bon.
q. 2. p. 11.

VIII.

ai. nobilis
et admissio
Cap. 2. 7. &
14. de con-
uersione cō-
iugat. c. 16.
de sponsal. &
Trid. sess. 24.
can. 6.

Genes. 2:
Eccli. 25. 30.
Eph. 5.

Matth. 2.

Qua in re nonnulla se offerunt non ignoranda. 1. enim
in Ecclesiæ potestate est, ut rata, sed nondum consummata fu-
delium (infideles enim, quia Ecclesiasticæ potestati non sub-
funt, à Pontifice iuuari non possunt) matrimonia ob bonum
publicum aliamue grauem causam, possit rescindere. Quo pa-
cto Paulus III. & Pius V. ex consilio Nauarri, ter aut quater,
in matrimonijs nondum consummati, dispensauerunt: & ge-
neralis per professionem religiosam, dirimendi matrimonij
rati concessio facta est. 2. Magis tamen insolubile est mat-
rimonium à fidelibus consummatum. Magna enim hinc, in sus-
ceptione, & educatione prelis, incommoda oriuntur. Et
suppetunt alia remedia, quibus Ecclesia sibi subiectos ad offi-
cium potest compellere. 3. E matrimonio non tantum hac
insolubilitas prouenit, sed etiam *obligatio coabitandi*, seu coniun-
ctio tori & mensæ, quæ ad prolem adipiscendam educandam
que, ad incontinentiam vitandam, ad domum regendam atque
alia talia requiritur; indicata illis verbis: *Relinquet homo pa-
trem & matrem, & adhærebit vxori sua.* Quia autem mulier
primatum habeat, contraria est viro suo, idcirco vir est caput mu-
lieris, & totius familiae gubernator, vnde locus habitationis à
viro potest assignari, quem mulier, etiam extra patriam atque
in exilium sequi debet, nisi de hoc aliter contentum sit, in ma-
trimonij contractu. Hac de cauſa B. Virgo Deipara Iosephum
secuta esset in Ægyptum, etiam si Angelo non moneat Iose-
phus eō voluisse proficisci. 4. Hac coabitandi obligatio
multis est iucunda, multis acerba. Sed remedium præsto est.
Minus est cohabitationem, quam coniugium dissoluere. Inek
enim huic ad coabitandum obligationi tacita conditio, si scilicet
alter quoque se obliget, & obligationi satisfaciat. 5. Hac
innocens

innocens coniunx non oblitigatur, ad adulteram secum in-
toro, aut domo seruandam. *Frangent fidem, non tenemur serua-*
re fidem. Et hoc sensu permittit Seruator dimittere vxorem,
ob fornicationem, domicilij scilicet, non vinculi matrimonialis
diuortio. Cùm autem neque iudices puniant crimina nisi legi-
timè probata, neuter coniunx debet, aut potest, ob incertam
suspicionem, alterum sui iuris possessione priuare. Neque vero
diuortia tantum fieri possunt publicâ Iudicij, sed etiam priua-
tâ authoritate, si adulterum publicè notorium. Tunc enim
nec scandalum existit, nec noua infamia surgit. 6. Hunc in-
modum factò diuortio, potest innocens coniunx statum muta-
re, atque in religionem se abdere, & imitari Paulum eremitam,
vel Gangulphum, de quibus suprà memorauit. Nec enim tene-
tur recipere nocentem, quantumvis poenitentem. 7. Neque
sanè etiam cohabitandi obligatio ita arcta est, vt cum graui
quoque animæ vel corporis incommodo coniuges cogat coha-
bitare. Quare diuortium, non ob solam coniugis fornicatio-
nem, sed etiam ob alias caussas, si non usque ad mortem, sal-
tem ad tempus fieri potest, ad graue corporis, vel animæ dam-
num euitandum; cùm nemo ulli corpus, aut animam suam ali-
ter obligare censeatur. Itaque si alteruter coniux hæresin vr-
geat, si sit Orestes & in furiam datus, si flagellifer Ajax, si ve-
neficus, lue Gallica, aut morbo Syllano, si lepra, aut alio con-
tagioso morbo inquinatus; si plagosus, si crudelis, si vitilitiga-
tor; est modus separationis; quād diu caussæ hæ perseverant:
quæ si tollantur, à diuortio, ad consortium coniugale est re-
deundum. Et par est ratio, si mulier sit talis: si semper tonet,
cum Canidia tempestates, cum Dalila insidias coquat. *Non*, *Ecli. 25. 22.*
est caput nequius, super caput colibri: & non est ira super iram mu-
lieris, Commorari leoni & draconis placebit, quād habitare cum mu-
liere nequam. Nequitia mulieris immutat faciem eius, & obcæcat
vultum suum, tanquam ursus, & quasi saccum ostendit. In medio
proximorum ingemuit vir eius, & audiens suffiravit modicum. Bre-
uis omnis malitia super malitiam mulieris. Ab huius igitur con-
tubernio vir quoque habet modum fecedendi: non tantum
ad tempus, ut vacet orationi; sed quād diu durat malum. Quid

Zzz

quod

Reg. 75. in
sexta.
Matth. 19.

Con. d. 35.
nuu. 2. Hea-
rig. 1. 11. c. 17.
Sanch. 10. d.
12. n. 13. & 25.

Nicephor. 1. 8
hist. Eccles.
cap. 40.

Paul. Laym.
p. 3. c. 7. n. 17.

Ecli. 25. 22.

548 Cap. XLIII. An matrimonium magis insolubile esse conueniat?
quòd etiam sponte, ex mutuo coniugum consensu, vterque
potest ingredi in religionem? Vsque adeò multis modis Dei
matrimonijs prospexit, vt *insolubilitate* eorum nemo ad anima
sue exitium obligaretur. Sed multi etiam hīc sua culpa, ma-
lunt ægrotare, quām admittere medicinam.

C A P V T XLIII.

*Quinam, & an rectè matrimonium adhuc magis insolubile
esse optarent?*

Hec usque de illis locuri sumus, quibus *insolubilitas* est
odiosa; nunc etiam aliquid respondendum est ijs,
qui malent ipsam *insolubilitatem*, magis esse insol-
ibilem, & nullo vel casu, vel interitu disrupti posse. Nam vi-
diuersa sunt, inter mortales ingenia, ita & diuersa iudicia des-
ideriaque inueniuntur. Quemadmodum igitur alijs infautis
optant coniugijs absolui, ita & alijs ea vellent perpetuare, qui-
bus coniugia fausta contigerunt. His tam diuersis, immo ad-
uersis, non eadem remedia sunt proponenda. Ambierat, in
Saxonia, quidam insignem sponsam; eum fatuus homo inter-
rogauit: *E quando tandem eam duxurus esst?* Respondit: Pa-
tienter expectandum esse, donec ea sibi permitteretur. Subiecit non
fatuè fatuus: *Ubi eam acquisieris, expectandum quoque erit pa-
tienter, donec ab ea denuò absoluari.* Alijs scilicet præsentia, alijs
absentia coniugis est molesta. Illorum igitur medicina est mors
vxoris, horum vita illius. Hæc præsentia multis interrum-
pit modis. 1. Iam vir abest domo, jam mulier, vel amore
vagandi, vel necessitate negotiorum. 2. Virum itinera, bella,
hostes abducunt; & hi sèpe etiam vxorem. 3. Vtique mordi
in caussa sunt, vt præsentes, absentes videantur. 4. Qui-
haud raro, in ipso demum matrimonio, impedimenta quædam
patescunt, ob quæ matrimonium dirimitur. 5. Mors deni-
que certa est omniibus, quæ tanto amarius dinellit coniuges;
1. Reg. 15. 32. quanto dulcius vna vixerunt, vt proinde dici possit: *Sic in se-
parat amara mors?* Adueriens hæc D. Chrysostomus ait: *Si
de virginit. cap. 53.* coniuges concordissimè vixerint, illas incitat uxor, ne mors dirimat
coniuges